



**გ ა ნ ჩ ი ნ ე ბ ა**  
საქართველოს სახელით  
საჯარო შეტყობინების განხორციელების შესახებ

11 აპრილი, 2011 წელი

ქ.თბილისი

თბილისის სააპელაციო სასამართლო  
სამოქალაქო საქმეთა პალატა  
შემაღვენლობა

თავმჯდომარე – ბესარიონ ტაბალუა  
მოსამართლეები: მაია ბაქრაძე  
თეა სოხაშვილი-ნიკოლაიშვილი

**აპელანტები:** ავთანდილ ასათიანი, თეიმურაზ მაჭავარიანი, ედიშერ მიქაძე, კარინა ჩიკვაშვილი, ქეთევან ხუციშვილი, ანზორ ჯინჭარაშვილი, ბადრი ბერაია

**წარმომადგენელი** – გიგა კვერენჩილაძე

**მოწინააღმდეგე მხარე** – სს „კორსტანდარტ ბანკი“, თამარ ჩუბინიძე

**გასაჩივრებული გადაწყვეტილება** – თბილისის საქალაქო სასამართლოს სამოქალაქო საქმეთა კოლეგიის 2011 წლის 25 იანვრის გადაწყვეტილება

**დავის საგანი** – სს „კორსტანდარტ ბანკის“ სარჩელში – საკრედიტო ხელშეკრულებიდან გამომდინარე დავალიანების გადახდის დაკისრება, იპოთეკით დატვირთიული ქონების რეალიზაცია.

ავთანდილ ასათიანის, თეიმურაზ მაჭავარიანის, ედიშერ მიქაძის, კარინა ჩიკვაშვილის, ქეთევან ხუციშვილის, ანზორ ჯინჭარაშვილის, ბადრი ბერაიას სარჩელში – ხელშეკრულების ბათილად ცნობა

ზეპირი განხილვის გარეშე განიხილა – მოწინააღმდეგე მხარე თამარ ჩუბინიძეზე ავთანდილ ასათიანის, თეიმურაზ მაჭავარიანის, ედიშერ მიქაძის, კარინა ჩიკვაშვილის, ქეთევან ხუციშვილის, ანზორ ჯინჭარაშვილის, ბადრი ბერაიას სააპელაციო საჩივრის თანდართული მასალების ჩაბარების თაობაზე და 2011 წლის 28 აპრილს 12:00 საათზე

დანიშნული სხდომის თაობაზე სასამართლო შეტყობინების საჯაროდ გავრცელების საკითხი და

## გ ა მ ო ა რ კ ვ ი ა:

თბილისის სააპელაციო სასამართლოს სამოქალაქო საქმეთა პალატა იხილავს ავთანდილ ასათიანის, თეიმურაზ მაჭავარიანის, ედიშერ მიქაძის, კარინა ჩიკვაშვილის, ქეთევან ხუციშვილის, ანზორ ჯინჭარაშვილის, ბადრი ბერაიას სააპელაციო საჩივარს თბილისის საქალაქო სასამართლოს 2011 წლის 25 იანვრის გადაწყვეტილებაზე. მოწინააღმდეგე მხარეს – თამარ ჩუბინიძეს ორჯერ გაეგზავნა სასამართლო გზავნილი და უწყება ავთანდილ ასათიანის, თეიმურაზ მაჭავარიანის, ედიშერ მიქაძის, კარინა ჩიკვაშვილის, ქეთევან ხუციშვილის, ანზორ ჯინჭარაშვილის, ბადრი ბერაიას სააპელაციო საჩივარზე. ვინაიდან ვერ ხერხდება მისთვის გზავნილის ჩაბარება, არც მისი ზუსტი მისამართი ცნობილი, სასამართლოს მიზანშეწონილად მიაჩნია საჯარო შეტყობინების გავრცელება.

სამოქალაქო საპროცესო კოდექსის 78-ე მუხლის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამის სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივად გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით. სასამართლო უწყება მხარისათვის ჩაბარებულად ითვლება სასამართლო შეტყობინების შესაბამისი სასამართლოს ადგილზე ან ვებგვერდზე განთავსებიდან ან გაზეთში ან ინფორმაციის სხვა საშუალებებში გამოქვეყნებიდან მე-7 დღეს.

ვინაიდან მოწინააღმდეგე მხარის თამარ ჩუბინიძის ადგილსამყოფელი უცნობია და მისთვის გზავნილის ჩაბარება სხვაგვარად ვერ ხერხდება, პალატა თვლის, რომ თამარ ჩუბინიძეს საჯარო შეტყობინებით უნდა ეცნობოს ავთანდილ ასათიანის, თეიმურაზ მაჭავარიანის, ედიშერ მიქაძის, კარინა ჩიკვაშვილის, ქეთევან ხუციშვილის, ანზორ ჯინჭარაშვილის, ბადრი ბერაიას სააპელაციო საჩივარის შინაარსი და სასამართლოს მთავარი სხდომის დანიშნვის შესახებ.

სააპელაციო პალატა თვლის, რომ საჯარო შეტყობინება უნდა გავრცელდეს თბილისის სააპელაციო სასამართლოს ვებ-გვერდზე განჩინების გამოქვეყნების გზით.

სამოქალაქო საქმეთა პალატამ იხელმძღვანელა საქართველოს სამოქალაქო საპროცესო კოდექსის 78-ე, 390-ე მუხლებით და

## დ ა ა დ გ ი ნ ა :

1. ეცნობოს თამარ ჩუბინიძეს, რომ თბილისის სააპელაციო სასამართლოს სამოქალაქო საქმეთა პალატის წარმოებაშია №2ბ/739-11 სამოქალაქო საქმეზე ავთანდილ ასათიანის, თეიმურაზ მაჭავარიანის, ედიშერ მიქაძის, კარინა ჩიკვაშვილის, ქეთევან ხუციშვილის, ანზორ ჯინჭარაშვილის, ბადრი ბერაიას სააპელაციო საჩივარი თბილისის საქალაქო სასამართლოს სამოქალაქო საქმეთა კოლეგიის 2011 წლის 25 იანვრის გადაწყვეტილებაზე. აღნიშნულ საქმეზე დანიშნულია სასამართლოს მთავარი სხდომა 2011 წლის 28 აპრილს 12:00 საათზე. სხდომა გაიმართება თბილისის სააპელაციო სასამართლოში (თბილისი, გრ. რობაქიძის 7<sup>ა</sup>, დარბაზი №13).

განემარტოს მოწინააღმდეგე მხარეს – თამარ ჩუბინიძეს, რომ მან საქართველოს იუსტიციის უმაღლესი საბჭოს მიერ დამტკიცებული ფორმის მიხედვით (როგორც წესი, ნაბეჭდი სახით) უნდა შეადგინოთ პასუხი (შესაგებელი) სააპელაციო საჩივარსა და მასში დასმულ საკითხებზე, აგრეთვე, მოსაზრებები სააპელაციო საჩივარზე დართული საბუთების შესახებ და წარუდგინოთ თბილისის სააპელაციო სასამართლოს მათი ჩაბარებიდან 07 დღის ვადაში. სასამართლოს მიერ განსაზღვრულ ვადაში შესაგებლის არასაპატიო მიზეზით წარუდგენლობის შემთხვევაში მოსამართლეს გამოაქვს დაუსწრებელი გადაწყვეტილება საქართველოს სამოქალაქო საპროცესო კოდექსის XXVI თავით დადგენილი წესით.

2. განემარტოს თამარ ჩუბინიძეს, რომ სასამართლო უწყება მისთვის ჩაბარებულად ითვლება საჯარო შეტყობინების განხორციელებიდან მეშვიდე დღეს.

3. აღნიშნულ პროცესზე გამოუცხადებლობასთან დაკავშირებით თამარ ჩუბინიძეს განემარტოს შემდეგი:

– თუ სასამართლოს მთავარ სხდომაზე არ გამოცხადდება აპელანტი ან მოწინააღმდეგე მხარე, რომლებსაც გაეგზავნათ შეტყობინება სამოქალაქო საპროცესო კოდექსის 70-78-ე მუხლებით დადგენილი წესით, სასამართლო უფლებამოსილია სამოქალაქო საპროცესო კოდექსის XXVI თავის შესაბამისად გამოიტანოს დაუსწრებელი გადაწყვეტილება.

– თუ სასამართლო სხდომაზე არ გამოცხადდება არც ერთი მხარე, რომლებსაც გაეგზავნათ შეტყობინება სამოქალაქო საპროცესო კოდექსის 70-78-ე მუხლებით დადგენილი წესით, სასამართლო გამოიტანს განჩინებას სააპელაციო საჩივრის განუხილველად დატოვების შესახებ, რასაც უკავშირდება სამოქალაქო საპროცესო კოდექსის 276-ე და 278-ე მუხლებით გათვალისწინებული შედეგები. გამოუცხადებლად ითვლება მხარე, რომელიც, თუმცა სასამართლო სხდომაზე დანიშნულ დროს გამოცხადდა, მაგრამ უარს ამბობს საქმის განხილვაში მონაწილეობაზე.

– დაბარებული პირი ვალდებულია გამოუცხადებლობის მიზეზი სხდომის დაწყებამდე აცნობოს სასამართლოს. საპატიო მიზეზად ჩაითვლება ავადმყოფობა, ახლო ნათესავის გარდაცვალება ან სხვა განსაკუთრებული ობიექტური გარემობა, რაც პირისაგან დამოუკიდებელი მიზეზიდან გამომდინარეობს. ავადმყოფობა დადასტურებული უნდა იქნეს

სამედიცინო დაწესებულების ხელმძღვანელობის მიერ ხელმოწერილი დოკუმენტით, რომელიც პირდაპირ მიუთითებს სასამართლო გამოუცხადებლობის შეუძლებლობაზე.

4. განჩინების გამოქვეყნება განხორციელდეს თბილისის სააპელაციო სასამართლოს ვებ-გვერდზე.

5. განჩინება არ საჩივრდება.

თავმჯდომარე

ბესარიონ ტაბაღუა

მოსამართლეები

მაია ბაქრაძე

თეა სოხაშვილი-ნიკოლაიშვილი